

世250.17  
38  
部=211

進賢縣志

第十一冊

卷十九

人物

篤行  
文苑  
武略  
高士  
義行  
寓賢

五世同堂

方技

艾乃馨

進賢縣志卷十九

人物 篤行 文苑 武略 高士 義行 寓賢 方技

篤行

宋

樊叔厚由三陽里徙居北山饒智畧廣涉經史父早沒事母孝事兄益虔先廬盡讓伯氏拊二弟尤篤友愛怡然世外見錙銖屑嗇者輒心非亦無疾言遽色遇歲歉則開陳民瘼於當路力拯饑溺故鄉閭極敬憚亦極慕服推譽也終身徜徉不仕為胡寬居先生所重

以下俱本省志府志舊縣志

元

進賢縣志

卷十九

篤行

一 戊戌補刻

楊行道字中道龍偉子學問淵博操行醕篤不求聞達嘗於途得萬姓遺珠萬遍求弗獲行道見而還之外親有訟田者一言以勸遂感而相讓弟出為他邑人後嬰廢疾蠲已產以資之歲饑羣盜過其里咸相戒曰勿驚楊宣教里中語不貪財者輒曰汝乃楊宣教乎其行義感人率多類此承旨張起巖學士虞伯生皆有文贊美稱其篤行有父風至正間當路聞其事以高年耆德旌之

萬義一作毅

字子義號林塘歸仁鄉人少孤英氣夙發日記數百

言久而不遺性篤施予養母邱氏至孝飲食起居必適其志母沒廬於墓側年七十竟卒廬所

吳孔昭字嗣麟崇禮鄉人祖存拙仕新建縣學諭幼失怙恃養於其祖聰明彊記事祖尤篤孝有盜入室繫其祖索貨財不得將加害孔昭哀乞以身代寇怒刃之血滂沱而容色不變卒俱得釋

喻倫字仲遠早失怙家貧養老母至孝母没凡語及必墮淚以教授得田四十畝與弟共之同時有田夫吳四九化之與其弟五十爭養厥母亦割己田與弟云

姜炎字伯昭才優應事善於事親交友有信鄉人化之  
明

雷逸清江西提刑按察分司嘗行部至進賢舉儒士二人一雷進賢縣志

卷十九

篤行

二

戊戌補刻

逸清一焦致中劉大夏爲作記曰雷氏堅苦淡薄在家耕稼焦教授里中有孝行故予特爲雷氏作逸清堂序爲焦氏作廬墓記見我國收拾人才未嘗專事藝文之末而遺孝弟力田之本也

樊積字用高弟和用節穆用愷俱贈進賢令明仲之子洪武四年承省檄貢鐵京師募人往採鐵不中程御史按治謂稽運者當悉寘之刑逮者至積謂和曰若善家業我往宜總之又語穆曰官役汝素諳練我往宜盡心焉穆曰名雖大兄事實穆所經涉穆卽罪和曰和幼失父撫育皆大兄之力弟未有子惟和當就刑言畢就縛積與穆繼出爭赴鞠而和已先至御史所矣及

考詰乃當募人代罪和遣還家其後俱得褒贈

陳子憲歸仁鄉人也貌古行淳不干祿仕足跡未嘗輕至城府深衣幅巾有古人風

陳子寧子憲弟也養高林泉以經書課子姪孝弟行於家誠信孚於人士大夫高之

萬祥字世寧號直隱十都三馬人屢以儒士應試不第遂卒業於家希慕古道不履城市冠婚喪祭率由古典處宗族篤恩不倦間有不率訓者輒引咎不辨其人卒感悟倡明人倫排斥佛老正冠危坐樂天命以終焉

包實夫魯伯子力學明經事親至孝嘗授徒於邑之舍源暮歸忽遇虎啣其衣曳至林莽中實夫曰爾欲食吾肉吾何憾念父母垂老缺終身之養虎知我乎虎乃起復曳其衣至故處而去人皆謂孝誠所感

樊珩字公直幼穎敏六歲與羣兒戲有一兒衣灼於火珩率羣兒扯入積雪中得不死識者異之長事父母最孝祖遺千緡悉讓諸昆弟里中婚嫁失期者輒相助貸不能償者焚券成化己亥饑出佐賑粟百斛事聞旌以官不受乙巳水居民墊溺珩與子曰睿各駕筏載粥沿家分給一方人賴存活焉嘗於漫流中得二柩葬之每秋成先期輸稅爲倡時有劄減京朝官祖或以珩弟金爲部郎宜請珩曰吾弟供職吾乃以爲利耶竟輸納如

故家居廣延文士訓諸子姪聞古忠良臣則論世示勸戒蓋珩慷慨好義而曰睿又每事贊成嗣後瓜瓞繁盛人文蔚起作吏俱清介饒直聲人謂德報云

支黼字孟昂祖蘭石建學宮鄉賢祠捐田爲祭邑人義之黼少喪父與弟黻事母俱以孝聞洪武五年江西行省遣黼貢於京師歸亡文驗當論死黻詣按察司請代兄罪乃減死謫戍臨濠後遇赦還

萬殊北隅人穎敏好學成化戊戌繼祖母艾疾久殊年十六乃焚香籲天割左股調藥以進艾疾果瘳習禮經補庠生屢舉有聲年四十齋志而沒

進賢縣志

卷十九

篤行

四

饒用文號澹樂北隅人性孝友弟用才窘於生業恒資給之貨藥不專爲利貧病者多所施濟母病割股烹之以進疾遂愈人謂孝感云

顏溥字本貞號瓢樂東隅人善繼親志奉養惟篤母沒肖像於家祀亡如存父忽盲求醫請禱扶持必躬嘗斲百丈隴橋及施茶焚券以祈親壽父卒廬於墓

陳夢鶴字伯鳴號謙所參政謨曾孫副使應元之父生平博學高誼事尊人至孝弱冠授教荆楚及門皆一時名士有女夜奔夢鶴正色拒之女愧謝去道拾遺金一鎚弗取坐竟日候其人至願解牛爲壽仍笑却一日自楚歸泊舟州下雪甚有夫婦單

衣號者詰而知爲收責者所攬問責幾何曰千錢旋解棗爲贈  
過富池舟遇盜夢鶴方篝燈觀史神色不變盜笑曰秀才好讀  
書不敢犯夢鶴平生貧苦惟衾影屋漏是勵曾恍惚見緋衣人  
揖曰君子之所以異乎人者以其存心也子貴顯諸孫少年才  
名人謂篤行報云

章漢字繼昭號竹軒知州文標父幼穎異博學長詩賦善真草  
書義方訓子多陰行善事不令人聞知有還金錄竹軒詩草

饒裳字世垂號及泉生而穎異有善相者見而竒之曰福德表  
也及長以砥行誼敦實履爲本每謂人品在道德不在顯榮純  
孝篤友終身如一日輕財好施族黨有不能舉火者出資助之

進賢縣志

卷十九

篤行

五

性容物人有忤輒出片語曉悟其人慚謝而退教諸子莊而有  
法嘗曰做官不做人可謂顯親乎三子景暉出守安漢返里門  
歸省誠之曰宣上德保生靈在此行矣四子景曜官比部五子  
景暉官上谷司理各遺之書曰刑官職關生命豈寧惟善爰書  
工鞫讞爲兢兢當法古人於死中求生庶無憾耳以故諸子治  
行爲海內最晉藩參歷名卿皆其庭訓也少喜毛氏詩老猶手  
懿戒瞿然曰昔人不以旣髦忘做真我藥石矣通國以方萬石  
君云

曾如敬字省之郡庠刻苦勤學幼有大志負笈從各師尹繼臯  
於白門並邀金天民天爵買產從師不遠千里生平目不旁矚

動必以禮雖貧無立錫而義不苟取後以策十二道上中丞海公瑞公深器之勉以宇宙內事時南都縉紳咸稱有國士風江城號藩所七都人生而靜默寡嗜欲閉戶終日不輕言笑動有節度無躁妄之行平生與人未嘗失色喜讀書不問世事其訓鉛山日與諸生靜對忘言相觀而化不沾時名不求苟得淡然自適鎮浮去誇殆古君子人也

余昌祚字叔正東隅人性正直動以禮義自居恥與時人伍寡交遊落落難合然遇端人正士則禮事恐後少宗伯吳長吉獨與之莫逆邑令錢元冲拔冠季試尤重其爲人訓萬載諸生中可其意者尤寡以品行期人每在綱常之大著有正心論邑人進賢縣志

卷十九

篤行

六

爭傳誦之

金琬字章甫操行瀟篤從萬敬山講學治家謹嚴不祀佛老事聞詔旌耆宿給冠帶

傅蓋誼高施濟清見遺金學道以優行加旌士林以醇修歸重知縣黃汝亨贊之

傅珍家貧訓蒙事母篤孝侍病湯藥不懈顴天割股進之獲痊知縣黃汝亨贊之

陶鉉字九玉邑諸生博學宏文行敦孝友手註左傳旁訓續闕者傳富國策一時文章推重惜年不永

顏備字德尚號弦所折桂坊人生有異質孝友純懿其天性也

爲邑諸生有聲乙卯鄉試旣得雋復失益發憤下帷爲學剷除  
枝葉以躬行爲本主教爲要直溯濂洛關閩以上之旨若却金  
解紛焚券陰行諸善事尤難更僕數也武林黃公汝亨雲間錢  
公士貴廉吏也贊曰累代章縫半生砥礪潛心理學之林杜足  
有司之署素履端方輿情推重又曰其爲父子兄弟足法至於  
義利取與尤嚴皆實錄也督學侯公峒會表以崇祀邑後學稱  
曰文純具徵直道之在人矣

陳策字奎畫天資倜儻博學能詩著易義統會宗譜存稿子二  
人長名封卽庚戌進士維鼎父世其經術手自銓錄與季白首  
同爨一觴一咏怡怡也甲寅冬維鼎以沂水解組侍養時封年  
進賢縣志

卷十九

篤行

七

九十一歲說者謂策積德之報云

饒景華字廷質二十八都人臨川縣學廩生天姿淳厚苦志力  
學博學古今胞弟景暘景暉景暉景暉皆公訓誨成就一  
言一行具有法度諸弟極敬之享年不永士論歎惜

萬葉字子來宗伯浩次子資悟英敏弱冠補入弟子員卽食廩  
餼居家不釋卷不治生產制行淳謹恬淡自如

季堅東隅人邑諸生季太常之曾孫在學二十餘年禠躬常如  
一日居家孝友絕跡紛華又好賑貧乏里中稱爲長者

何天衢南隅人邑諸生淳厚清介鄉里多化其風

顏燧字文韜備次子少時才名藉甚而避遠名勢蕭散物外不



以家事櫻心尤秉禮教敦古誼笑言不苟誘接後學就正者滿  
堂講論夜分泊如也相國傅公冠宗伯吳公士元方伯陳公應  
元虛几席爭延致而公雅不欲數自屈每一曳履一坐盡傾友  
人嘗贈聯云城市囂塵誰識清人霧隱門庭蕭寂居然名士風  
流蓋寶錄也

陶應舜字河濱九都人少時盡推其產以分羣從兄姪嘗相攸  
得陳憲副應元于布衣中人以爲知人性公正方嚴遇事明決  
鄉曲爭訟片言立解有非義者必相戒無令陶公知其服人如  
此

龔一振字維新甲辰進士家無瓶粟忍飢問學鬱有其文知縣  
進賢縣志

卷十九

篤行

人

毛一瓚拔冠多士越七年登進士第旋居父憂毀瘠倍常窘乏  
益甚服闋授行人甫六日卒爲人清真坦易絕去城府譚名理  
世務娓娓沁人心脾一毫繫累無有焉

江廣字元及府庠生家世食貧杜門苦志卓然自命恥苟且阿  
世足跡不履公庭性孝友盡心色養諸弟皆故貧窶不能娶力  
爲經營皆有室家崇正癸酉鄉試爲房考阮公元升所賞旋以  
一字之訛置乙榜大學士寄庵傅公仰其學行延之訓孫

章其志字明式三十七都人幼穎異超越儕儻爲章公潢高足  
獨契易象之旨數奇屢試輒蹶性本孝友舉動法古入事親能  
以色養推產予仲季而家無儲粟怡怡也黎公元寬銘其墓曰

有客兮叫閻非鬼兮文魂善藏山兮中原永不墮兮嘯軒其非過情之稱可知也

章星字孟敏三十八都人幼爲文雄渾博麗變而空靈離奇學道侯公峒曾拔餼於庠問字者戶外屢滿然不肯苟就惟與族兄弟明經士鴻士閣延致臯比道德文章切磨砥礪諸後進皆得所成就生平嚴執持見古人有舍生取義殺身成仁者輒忻然慕之或譏以硜硜不顧也

饒宇柟邑庠生前工部郎中元琪次子性孝友尤醇謹篤學戊子七月奉其父避兵於鶴仙峯父被執挺立不屈兵怒甚將加刃柟知父必不免亟自匿所出伏地號泣請以身代遂同遇害

進賢縣志

卷十九

篤行

九

時亢暘如火柟父子暴露凡二日顏色不變如生鄉人咸以爲節孝所感云南昌耆儒羅儀則悲其事爲撰孝烈記  
溫國典字匡華邑諸生幼育於祖妣長事之極其愛敬尤謙謹好施與兩助邑賑縣令有半足不履公庭一生惟勤家學之獎按院扁褒孝友可風

涂宏字長度邑庠生中隅人方嚴正直岸然自立杜門掃軌不入公門諸凡時好紛華尤所不屑聖人三戒其不惑者終身家貧無以支朝夕甫壯而失偶五十年不再娶寒蟬潔饑本諸賦性讀書則主身體力行不事佔畢章句每與諸生講論必以聖賢自期并以期弟子之高足者一時名宿通顯之家爭欲延之

以爲子弟師居常端坐如尸不苟言笑弟子起居則坐受其跪拜動以禮義相繩師嚴道尊固其所也癸未之後投戈滿地大學士傅公以眷屬百口付之其生平之足信乃如此顏君文韜爲母氏家諸父中表兄弟則方平也渭陽家訓親炙固深此其中或有得乎懿行無瑕誠邑中之典型也

吳學柱字君典宗伯士元姪善屬文性本孝友母周孺人遘奇疾躬自扶持步禱華山願身代得愈家居淡素不習怙侈以故宗伯倍愛之或有病其尺幅者笑曰與其高曠而無得毋寧跼蹐而無失自持大都如是長子炅舉庚子孝廉

顏朝尹字元圃七都人邑庠生善屬文性孤介恥同流俗何徇史嘗稱其貌若古人心同赤子

熊霽字大蘇善屬文己卯闈中見賞於王公永吉幾得雋而失之馬公世奇亦加優禮生平雅自修飭獨立不隨

羅克明號會宇性篤友于二弟時不睦垂涕道之卒歸相好生平樂施好義排難解紛五十年罔有倦色邑令三推鄉飲謙讓不肯赴

何謙南隅人鄉飲大賓常自爲座右銘以警壽九十六歲

齊文嘉字爾猷才藻超越三十始遊庠序文聲藉甚性豪爽喜任天下事而未嘗不軌於正督學張嶙然考第一應充賦以親老不肯赴戊子遇難士論惜其以孝死而用未竟也

何允善字若水南隅人邑庠生齊肅好禮事父母處鄉黨以孝謹聞

熊惟義性介直樂施予以孝義忠信訓子弟尤以是兢兢自持傳而霖西隅人黌序四十年足不履公庭失偶不再娶

徐曰文字公實三十八都人以母老弟幼棄舉子業一意養親正德己卯寧藩煽禍召致之脇以必從被箠幾死竟不屈俟守者稍懈得脫歸養老母以終撫弟姪俱有恩意

萬伯字文爵十都三馬人廩生孝事父母惟謹父歿廬墓三年有芝草靈鵲之異嘉靖五年大尹吳大本以孝奏聞其行誼採入武宗實錄

進賢縣志

卷十九

篤行

十一

舒日溶舒世恒俱以母病割股和湯進之而愈

舒溥震性穎敏通詩書春秋三經事親孝立身制行和而不苟操履嚴重進德疊疊不倦鄉里有理屈而爭者輒面折不諱郡守聞其行義將以孝弟力田薦值守擢去遂不果嘗語子弟曰國律時王之制窮經之暇亦須講讀晚惟與同志講道德不問世事

國朝

趙學鈞字仲聲一都人家貧嗜學事親克盡孝道友兄弟睦宗親好善樂施臨財不苟取人有急未爲分解寤寐爲之不寧見羸獨廢疾者竭力爲之助凡待愚賤無不極其誠敬隱居教授

子弟有貧而秀者百方玉成之二十餘年士大夫無不誠服後學多受裁成云

汪如玉七都人少參集四世孫家貧嗜學舉止恂謹幼失怙依慈母膝下承權菽水母喪廬於墓時多虎衆代危之玉了無懼色三載卒免於患後二十餘年事死一如事生鄉黨宗族皆稱其孝

江仕英六都人讀書力田父病篤日夕侍醫藥無瘥色遂割股肉潛置藥中進之父遂豁然性尤誠信重然諾

車克成西隅人諱厚自持時疫癘盛行母病危家貧不能得藥割股肉進母病應時而愈

進賢縣志

卷十九

篤行

三

朱師聖字堯民都諫徽子事親盡孝戊子金聲桓叛兵至師聖解所著衣勸父暫避父避而師聖遂被執抗不屈膝受刃眼光突出數尺照人間者哀而壯之

朱天寧字文靜以五經中式順治丁亥進士授長山令戊子盜殺其母馳歸哭訴於縣爲發徒擒盜首梟示天寧取其心肝祭母復單騎縛盜十餘人盜蜂聚遂遇害

齊以禮字沛子雍正甲辰舉人少穎異好學一日讀論語悟曰向者幾爲舉業誤返之於身作文在是矣徒以供作文用兩無得也性孝友年四十依依父母傍不忍一日離同產姊三人異母第四人親愛無間長姊沒二十餘年甥來猶對之泣下居喪

一遵家禮不作佛事三年寢食喪次朝夕莫必哭近宅有漁池  
山地公之於衆山田苦水涸出已貲築堤數十丈鄉黨利賴焉  
家無餘貲而爲善益力五服之親無能室家者力爲成之助以  
生計孀居旁親授室以養門戶整齊嫡庶雍穆後以相國朱軾  
薦授瑞昌縣教諭莅任僅五月病革沐浴端坐而逝年四十八  
雷躍龍字祖劍乾隆甲戌進士生平力學旁通諸家作文追踪  
先輩尤見賞於督學趙大鯨宅躬溫厚無疾言遽色居父喪蔬  
食三年不入內寢事老母而益力需次家居有鄰人伐其祖山  
樹族人欲訟之官弗聽鄰人感愧還之後謁選病卒所著時藝  
及詩古文多散軼

進賢縣志

卷十九

篤行

十三

舒炳字大文少精制舉義爲諸生試輒冠軍生平溫厚處家庭  
內外無間言鄉族服其誠信每有忿爭得一言而解有赴愬者  
雖大寒暑聞而卽往老不遑恤或已成訟必力勸息之以明經  
任南康縣訓導安貧樂道不易其素三年中請業者門如市尋  
卒於官士林感其德咸哭泣走送祀南康名宦

萬物輝十都人母疾侍湯藥連夜不寢母卒哀毀骨立

文恩炳字先聲二十二都人性慈厚好施與有求貸者無緩須  
與鄉鄰待以舉火者數十家無賴盜伐其樹思炳遙見輒迂道  
避之大雪冬寒野鳥無所得食乃撒粟以救其生其慈惠多類  
此年八十四卒

饒佑勝字弼卿在城折桂坊人生平謹樸謙抑雖平易近人而廉隅自勵不隨世俗波靡孝弟敦篤義利分明康熙甲戌年知縣陳璠察知實行表其閭待以殊禮

胡世英字仕彩在城中洲人穎悟好學通經義尤篤於孝友事寡嫂恭謹又分產以贍其姪造韓家渡舟利濟稱便恐阻風不能渡又製大被以備宿生平義舉甚多皆踴躍從事舉鄉飲壽八十有三端坐無疾而逝

舒道南字師程梓溪人歲貢生教諭香子處貧困兢兢以禮義自閑守其父訓積學累行樂善好施年六十七選貴溪訓導教士子先器識而後文藝年七十五卒

進賢縣志

卷十九

篤行

十四

周惟禧字紹庭三十三都舊居村人少穎悟甫冠連居父母憂遂絕意仕進喜藏書務博覽家居二十餘年足跡不履城市每月朔望必具酒醴肅冠裳虔祀先人祖母氏楊年九十六庶祖母氏丁年八十五以孝養誠至均忘其衰母氏詹患風痺卧蓐六載惟禧侍湯藥未嘗左右離又捐貲收育嬰女建祖祠修治數世以上祖墓惟恐不竭其力其族人喪不能舉病無力治者給之錢穀不責其償戚友稱貸簿籍不錄其全名曰恐人知之以貽其羞有不謹妄費者求貸則不與曰彼待此以縱所欲若給之將速其敗精醫理應手輒效有以幣謝者堅拒不受常自推星命曰吾年不能踰五十至某年月日五十初度竟以無疾

終

朱景祚朱克觀方鳳珂陶勳遠朱孟室舒祚洛舒勝友舒祚綱俱割股救親以孝聞

齊以璜字熊子庠生之干幼子也幼失怙從長兄學率教惟謹長兄歿撫孤姪如已出積學守禮惟恐墮其家聲鄉黨爲不善者咸畏使之聞中丞陳宏謀以嫻熟經史文行兼優檄進豫章書院爲多士式

齊大引字漢彥三十七都人乾隆辛卯領鄉薦七齡喪父奉兩母務得其歡心事諸父恭謹竟日侍立無倦容歲時祭祀一遵家禮好讀書雖盛暑一燈坐帳中不輟善誘掖後進任新城教進賢縣志

卷十九

篤行

五

諭學校多所振興卒年九十一

羅荃字仲芳三十七都人乾隆己卯舉於鄉性孝友母疾侍湯藥嘗數夜不寢母歿廬墓終制事繼母鄒氏如所生任宜春縣教諭嘗纂修本縣志著有參同契輯解

吳汝典字尚友南隅人秉性醇篤童時愛讀孝經母病祈以身代聞股肉可療遂割股和湯藥以進母病遂痊後習醫所活無算以財幣酬者必却之

吳秉達字學卿號質庵在城中洲人孝友勤儉不欺然諾知縣鄭養民解組歸其家奴趙某以衣篋寄秉達居積所逾月趙歿秉達聞之曰死者不可欺也呈其篋於養民啟視之衣物若干



白金三百兩皆封識如故居家義方式穀生三子俱教成名雍正四年知縣呂曰韶聞其賢舉鄉飲同邑進士雷躍龍追仰懿行爲作傳贊

徐之鋼三十八都人幼聰穎莊重異凡兒天性孝友未冠而殤舉人羅安爲作傳贊

陳應采字敬齊八都人篤行孝友父疾瀕危刲股進之而愈當事欲表以風世應采力辭之 以上舊志

周如恂三十三都舊厦人國學生全兄文庠如起母中風痺拾餘年雙雙孝養不懈一日可謂事母極誠賀太守廉得其實給以力竭慈烏匾額前修邑志兄弟義讓不敢居孝之名未上今

進賢縣志

卷十九 篤行

十六

謝世特采以登之

周士价字立誠號介人三十三都舉人屢膺會薦不第大挑教職歷任德興都昌等縣教諭推陞南康府教授學政孫葆元以其品學兼優保舉知縣不就爲人樸誠渾厚一團和氣博聞強識制藝辨香五家詩古文亦浸浸兩漢六朝來學者衆誨人不倦每謂讀聖賢書必須身體力行非徒誦習而已司鐸各學進諸生勉之爲君子儒被其教澤咸嘆霽月光風之濂溪於今復睹也事親孝奉繼母如生母兄弟四人友愛尤篤父歿適公車北上歸以未克送死而哭泣過哀啞血數升幾不起復懼滅性轉涉不孝遂延殘喘故又號更生壽七十有三無疾而卒

傅舉巖字希賢號谷軒七都人住居城內髫年失怙惟孀母是依及長苦爲生難遂習服賈於城中稍得贏餘而菽水承歡初未嘗遠離膝下至老孺慕之誠一如赤子所謂五十而慕者舉巖有焉義方教子幼登賢書待人誠信無僞爲邑中所欽仰胡升翹字挹泉十三四都人幼失怙事母至孝兄弟三人共炊畢生男婦六十二口無怨無惡嘗以張氏忍字勉子姪一方奉爲儀型年五十有八而終

文苑

唐

熊孺登元和進士官終藩鎮從事有詩名與白樂天劉夢得相進賢縣志

卷十九 篤行

七

倡和白有洪州逢孺登詩云靖安院裏辛夷下醉笑狂吟氣最麤劉有送孺登歸鍾陵詩云篋留馬卿賦袖有劉宏書有書一卷以下俱本省志府志舊縣志

宋

龔煥字幼文欽風鄉人居泉嶺下通五經師事饒應中以明理反躬爲務時科舉未行文章猶踵尚華靡煥獨與學者議曰他日苟以科舉取士必遵朱子程式皆預爲擬定既歿而科目復興一如其言學者稱峰泉先生

元

萬元善字復心博學有行誼善屬文

楊居中字行恕文學極博詩有理趣守道不釣名

袁本字尚志有長才善文著爲國二十論古樂府百篇

徐穎字叔良元季遊京師從學於余廷心楊顯民程以文僑居金陵龍鳳時爲中書典籤太常博士

明

朱夢炎字仲雅元至正十年進士爲金谿丞後避亂與宋濂友濂稱炎文章五色太祖召居賓館命與熊鼎集古事爲質直語教公卿子弟名曰公子書又作農務技藝解說書成頒行賜白金衣履洪武十一年自禮部侍郎進尚書帝方稽古右文夢炎援古証今剖析源流如指諸掌文章詳雅有根據帝甚重之卒進賢縣志

卷十九

文苑

六

於官

按朱夢炎府志載卒於官聶志云賜死臨刑有低頭愧却顏徵士含笑衣冠入九原之句以戊申歲與伯顏子中同被召命而子中不就也後上亦悼之有可憐明月清風夜一曲清歌憶老臣之句二說不符

侯復字祖望四都人性穎悟學問淹博爲詩文千言可立就洪武初以明經行修薦任國子監助教其詩豪放清逸效李白其才氣馳騁於元明諸公間爲江右一時才子之冠著有觀光集陳雲章字仲文貢入太學疏議大禮當世宗意由建寧府學教授遷國子博士擢太僕寺丞時議孔廟祀典去王爵稱先師雲

章疏諍忤旨調黃州府通判雲章學問淹博著述甚富有通鑑綱目前紀十卷進呈世宗嘉納畱備觀覽又進所著夜思錄三卷大學中庸疑二卷書傳疏三卷自言沉潛玩索者三十年

按雲章言事謫黃州湛甘泉贈詩曰鈍齋吾老友忘年拜床下抱材恒不售時已定高價叫閣論大禮未肯羣公亞三遷及僕丞一疏落別駕挑經詣黃梅且莫易呵罵無住生爾心可達聖仁舍鈍齋其別號也

### 陳雲章先師師祀典疏

爲陳愚見以裨聖政事臣聞周成王稱君陳曰爾有嘉謀嘉猷則人告爾后於內爾乃順之於外曰斯謀斯猷惟我后之

德臣嘗企慕是臣而職卑言微有以不敢邇者議報祀先師之禮此一代制作之綱要千古公議之首先不可不慎重焉者也臣仰觀所制新禮去前元之贅號易塑像以木主正孔鯉諸賢父子之倫仰而嘆曰此大聖人之制作出於尋常萬萬也惟革除王爵一節考諸古聖神制禮之意不能無疑焉臣年已衰邁思報無日矣苟隱忍而終無所言豈不負陛下負所學哉乃敢原聖神制禮之初意味死爲陛下密陳之夫天地生民之初無主乃亂故篤生聖人而以治教之責付之聖人奉若天道以立民極於是乎制君臣上下之禮而帝后三公諸侯伯子男之爵始列謂任是責以致功於民當享是

爵也非爵則不可以相臨矣又推此義以報天地生成之德亦惟以其爵於人者尊祀之無他道也故於天尊之曰上帝於地尊之曰后土五岳視三公四瀆視諸侯其餘視伯子男謂有功德於民當食是報也舍爵則無所用其報矣爵以報德報功已昉於聖王制禮之初至於今行之而無弊者也孔子之德無愧於舜禹其不有天下者不逢堯舜無天子薦之耳而其刪述六經推明往聖之道以開道學之傳此萬世之事功也宰我稱其賢於堯舜者以此而報祀之禮累朝加隆始封文宣王之爵備天子之禮樂焉夫功被當時者食報於當時功垂萬世者食報於萬世此不易之常道也乃疑孔子

之心有所不安而於常典之外別生異議夫聖人之道義而已矣如其義焉舜受堯之天下可也而受其報也何不安之有況夢奠兩楹此理已先見矣以此而比於不義之富貴不亦悞乎臣固謂天地之功德無窮也而所以爲報亦稱帝稱后以尊祀之仲尼之功德辟如天地之無不持載無不覆幬辟如四時之錯行如日月之代明不誣也則亦稱帝稱后以祀之於報禮始盡今日至聖文宣非所以待孔子而改議稱至聖先師孔子夫至聖者其本然之德也先師者其當然之名也後學尊稱之名則是矣國家崇報之典恐未也夫古之君師並稱者一人而兼治教之責也故有爵而稱師則師爲

尊華其爵而專稱師則匹夫耳何尊之有天子之師固亦尊矣天子之祖之父尤尊也追王太王王季亦必待爵以報其開基創業之功也夫爵也者聖王所以奉若天道酬酢斯世之大權也貴賤於是乎位焉上下於是乎辨焉尊卑於是乎別焉寵辱於是乎彰焉人皆以爵爲貴而獨於孔子爲賤乎人皆以爵爲上爲尊爲榮而獨於孔子爲下爲卑爲辱乎報德報功生者封而死者贈罔或遺焉而獨於萬世道學宗師不當報乎華除王爵祀典異矣牲用太牢舞用六佾宮殿如故餼羊猶存也果經常可久之道乎名之與器相須爲用也奪其名矣仍假以器孔子之心安而受之乎或曰不加以爵

者待之以賓師之禮然則賓師之禮果報德功之典乎古者諸侯於異國來遊之賢士未任以職以此禮暫用敬耳固非謂德之盛者不當以爵加之也若曰稱王非所以待孔子則稱上帝者爲褻天稱后土者爲瀆地稱大德必受命者亦欺人矣天下豈有二道哉或又曰周公之功亦大矣何以不王曰然則制禮作樂抑有大於敬敷五教者乎蓋勤勞王家臣子職分所當爲也況身爲三公矣又乃命魯公俾侯於東錫之山川土田附庸報當如是而止矣孔子開萬世道學之傳自有生民以來一人而已建曠古不有之事功固宜享曠古未有之殊報而萬世王祀於禮爲過乎夫禮太過而陛下因

之猶爲過於厚禮苟是而陛下革之則爲過於薄過於厚可也過於薄不可也何也累朝加封一旦削奪臣恐天下後世不知者指此爲孔子之再阨也夫孔子之心與吾人同故曰富與貴是人之所欲也不以其道得之不處也貧與賤是人之所惡也不以其道得之不去也夫豈欲貧賤而惡富貴哉惟以道義爲取舍與人異耳觀其由大司寇攝行相事道合則從不合則去可見也孔子之道而度之以巢許之心崇報之典而比之以僭竊之事恐非其儔也夫陛下之所當敬事者天也親也師也三者之恩同而其事之之禮當如一也今四郊成焉事天之禮隆矣九廟正焉尊親之禮至矣而於所

師孔子則革其已封之爵殺其已行之禮焉果非天親之匹不當報之如是乎夫是禮也與其改於後孰若復於今自陛下行之自陛下復之此臣之所深望也臣昔講明大禮當國論洵洵之際未敢畏避今是禮又當衆口緘默之時臣何敢肆言而無忌哉誠有以仰窺吾君吾相之心卽成王周公之心惟欲監先代之故典立萬世之常憲以匹美成周耳本欲尊崇反失輕侮而使陛下之心無以白於天下者講之未明也講之未明而執之愈固乃敢以所見密陳惟恐陷吾君於有過之地以貽議於來世也誰於孔子而能已其崇報之心哉伏乞以臣所言與禮官所議參考折中斷自聖心於至聖

先師之下仍以文宣王三字易孔子字稱至聖先師文宣王  
或加封稱至聖先師文宣帝宗其道則尊之爲師報其功則  
封之爲帝斯恩義兼隆考諸三王而不謬建諸天地而不倍  
質諸鬼神而無疑百世以俟聖人而不惑豈非萬世斯文一  
大快者哉臣嘗考先臣夏寅所著政監已倡今日之所議夫  
成周四代之學釋奠先聖先師者舜禹湯文本皆帝王也則  
虞庠必稱先聖帝舜夏學必稱先聖后禹殷學稱先聖湯王  
東膠稱先聖文王夫豈以爵位爲嫌諱之而不稱哉孔子魯  
司寇耳司寇之官固未可以南面而爲帝王師與其并削司  
寇而以匹夫當之孰若加封爲帝爲王於報爲宜哉此則萬  
進賢縣志

卷十九

文苑

三

戊戌補刻

世公議不容已者也臣之愚見如此所言果是伏乞於秋祭  
未舉之先擇日幸太學行釋菜禮加賜封爵師生進講而罷  
此千古美談臣何敢言緣係陳愚見以裨聖政事理爲此具  
本親賫奏聞

章文字中子三十七都人博學能文慷慨尙氣節遊燕都時逆  
璫擅權奮筆爲長安行諸什以誅奸宄而勸忠義同舍郎以爲  
懼文曰正氣千古常存我生有命在天由是絕意仕進益肆力  
文章精於考古手編成集崇禎間相國傅冠以校書相屬學使  
黃汝亨尤敬禮之所著多散佚

顏燧字明卿備長子邑諸生刻意勵行學通今古文章多沈雄



之作最爲中丞陳良訓所擊賞

樊朝祖字拱辰三十四都人博學洽聞文詞敏贍磊落不羈鮮可一世有濟世之志力而逃于酒晚竟不遇士論惜之

謝鳳毛字嫩伯二十六都人裘曾孫聰穎過人學問該博下筆雄邁絕倫學使侯廣成賞其古文辭拔餼于學卒困于場屋齋志以沒

朱健字子彊天啟辛酉舉人博聞強記自經史諸子百家靡不研貫尤究極典故期于適用其文體閒歲輒一變精微博大不主故常計偕所至名士問業者成市與弟徽皆以著作名當世有鍾陵二朱之目比之機雲軾轍所著古今治平略凡禮樂兵

進賢縣志

卷九

文苑

三

戊戌補刻

農賦役河漕諸大政錯綜數千載纍纍如貫珠識者以爲鄭漁仲馬貴與堪稱鼎足授邵武推官靖九都賊以申太守吳文禕棄城奔逃事反爲所中冤死

饒元瑄字彥昭邑增生性孝友七歲居父喪哀毀骨立儼然成人事母曲盡愛敬四十年如一日里中數椽悉讓弟姪居止獨僑寓孺子宅旁潛修密證經史性理諸書貫穿馳騁多有獨契所著五經疏義經濟彙編良知指歸若干卷稿焚於兵以子宇弼貴累贈中憲大夫

徐應芬字二其三十八都人學問博通屢試冠軍中崇禎庚午乙榜後因世亂隱居靖安之寶峰山著書自娛有聾山子全集

李光倬字仲昭少負才名與從兄太史麟初師友唱和厯官工部主事進郊祀耕籍賦烈宗嘉賞之著有采菱前後集

國朝

齊之千字仲英年十四入縣庠長于古學鄉先輩以昌黎後身目之一時推重尤爲學使邵吳遠所許嘗曰吾門得兩奇士韓葵與之千耳時文齊不如韓古文則韓不如齊巡撫董衛國舉博學鴻辭以母老不赴當代貴人走書幣乞文者非其人不作招之不往以書生終有荆山文稿燬于火

章兆瑞邑庠生詩宗韋柳著有愚園集萃華詩稿

饒然生字天然康熙丁未以歲貢作恩貢會督學楊風勵自持

進賢縣志

卷十九

文苑

五

然生隨諸生習謁問曰若江西不有與汝同名者乎生日不知也楊曰是能作以棄爲君而有象題文者遽誦其中雖不得爲聖世之良民猶得爲頑父之肖子等語生日此某少時作也楊公瞿然亟稱之見輒呼先生不名其加禮如此生平手不釋卷著作甚夥惜皆散佚

溫邑字叔鼎本姓支名元嘗從父學於桐城先達奇之有國士目康熙丁丑進士觀政三月而歸閉戶讀書爲古文師摹先秦兩漢詩宗王孟與其兄元昌相唱和當事皆雅重之未嘗一見選廣東恩平知縣以疾卒於京文稿散佚獨制舉藝人多誦之舊志

饒允坡字又蘇三十八都人拔貢生雍正乙卯應博學鴻詞薦不售爲人慷慨重然諾吏部尚書清江楊公爲之立傳署其尾曰知汝不能薦羞稱獻納臣引詩自愧亦足以覘其抱負矣

饒匡時字扶上乾隆丙辰舉人髫年失恃事繼母孝敬備至友愛從弟無異同胞戶族有事爭辨者以理剖其曲直咸心服焉性敏慧博極羣書過目輒終身不忘每對人談論必引經史証時務原原委委竟日無倦容父母歿遂絕意仕進

府志

鄧枚字子幹八都人文詞雅贍周學健以博學鴻詞薦未就後至粵纂修粵東通志遂流寓粵東著有玩草堂詩集

饒宇樸字蔚宗少聰穎絕人讀書目數行下長於詩古文詞卓進賢縣志

卷十九

文苑

三

然成一家言工書法一時名士爭欲與之遊著有菊花莊集蔚宗集鳳遊集

饒植字林上三十八都人以選貢授州判美質過人沉潛簡靜爲文操紙筆立就尤精時藝陳伯璣其畏友也嘗戲語之曰以子相雅之度爲文宜不能言者又何其浩渺莫測也植曰文宜險人宜易耳著有延閣質義

鄭之洪字宏一號飛溟主人三十都楊芳鄉白菓樹里人明末廩生註有西書意孝經翼註易說書畧言禮雅詞春秋要言詩疏正氣編尙友草諸集

以下採訪

鄭之楨字克生與之洪同鄉金墘里人康熙己巳歲貢註有四

書滙講一集其稿尚存惟之洪所註書名俱載之譜牒而書稿不傳於人間蓋村落已坵墟大都洪水泛漲爲波臣所淹沒歟惜哉

按舊志未載今其鄉人猶豔稱之謂父老傳聞兩先生不特文學足尙而品行之端方更堪爲後學師表洵君子儒也因補錄之

齊廷勝字榮先號霖軒三十七都大塘岡人初不甚聰慧父憐偏盲不加督責及長過目成誦經史子集無不博通發爲文章六經皆我註脚用古如已出自成一家詩賦雜著駢體悉出心裁工雅絕倫家無擔石晏如也生平無他嗜好惟喜讀書作文進賢縣志

卷十九

文苑

三七

寫字故制藝刊行顏之曰三喜堂稿雖試冠軍而屢薦不售僅以明經終亦數奇也壽七十有九卒吳起芸字香遠號聾生增廣生三十四都人屏絕世俗閉戶讀書心有所疑則旁搜遠紹探蹟索隱務求覺悟於心得其正義隨筆之於書註有六秘新解稿藏於家

陳備字恒希八都十八坵人邑庠生敦品力學杜門著述所註有經義證知錄夜思錄證知錄十三經纂義

武畧

宋

傅安民歸仁鄉人建炎間以鄉兵獲賊王虎黨補進義副尉以

傅執中安民子擒王虎功遷忠靖王

傅時中安民次子參謀岳武穆幕以功遷從政郎

胡震以收王虎功授承節郎泗州城西南寨巡簡

胡宣震弟收王虎功授承信郎漢陽軍都巡簡

胡洵仁宣子同父功授承信郎建昌軍提轄

胡洵武宣次子同父功補進義郎校尉

羅俊臣字文美從岳武穆討楊么以功授保義郎

吳夢順以武功授辰州麻陽縣尉

夏伯昇字晉伯十六都人初宋理宗朝沿江制置使

進賢縣志

卷十九

文苑

三

馬光祖鎮建康以夏伯昇參謀制置司贊理屯田軍務事伯昇  
壽畧超邁儀度英偉與趙公方及其子趙范趙葵爲莫逆交時  
元人南侵歲苦兵擾軍儲告匱伯昇參贊軍務興屯田減租稅  
簡練士卒防制要害威惠大行宦遊歸後值元革命屢辭徵辟  
詔諸子爲儒長子宗英任廣東都元帥府都目季子宗周任蒙  
山提舉司都事孫良材任廣東僉事進士夏謐乃其九世孫也  
卒葬歛足巔卽今演麓峰

臨以禮字用和容州守夢桂四世孫壬辰寇亂潔身去值禦人  
中途反於邑爲魁帥言順逆成敗無顧慕左右掩耳不願聞久  
之一如斯時丞相以大兵至惡不悅者陰煽故黨尅期造釁

衆六聳以禮因軍民官問計乃請夜襲擒諸魁帥併同謀十數  
誅之慰諭反側人情乃安旣而鄰縣降首復叛惟境內帖然衆  
益信其明決

元

尚從義字克明元至正十年紅巾起散家貲聚壯士與樊明仲  
同時起義護桑梓無何賊大至從義度南路有明仲足保北山  
賊必由趙圍攻北路乃伏兵烏溪汎以待已而果然登岸擄掠  
乃遣善泅者潛鑿賊舟身出精銳禦之賊敗登舟至江中水湧  
大亂義隨擊之殺溺無算復率兵援北山亦大勝平章道童公  
以便宜授義巡檢後明仲戰死義卒以勇畧自全封武威將軍  
進賢縣志

卷十九

武畧

五

今趙圍數十里父老猶記其姓字云

萬浚可七都人少負才畧性直無私至正間邑陷於寇省臣委  
脫歡外救時浚可已拔邑定之未幾辟爲宜黃尉辭不受脫歡  
欲殄餘民乃率葉均訴民誑誤乞賞其死由是餘民歸順而獲  
更生咸愛戴之

胡智伯號致軒幼業儒長習武至正間紅巾賊亂因立寨於二  
十三都黃家庄鄉民賴以保全後封爲果德將軍旣卒衆思其  
功立廟以祀胡球其四世孫也

徐彥思字默行元末陳友諒陷江西豐城有豪民李明道聚衆  
擄掠彥思與姪孔昭團練鄉勇爲備禦計一日其黨來犯彥思

率衆大敗之於白湖嶺鄉里賴其保障後江西平彥思隱居不出自號桃源隱逸

明

金旭字伯耀號瑯山生元末通俠好施及紅巾賊起鄉人推爲帥與子德宏德毅及將吏羅捉龍趙捉馬等立寨自固時有勸掠地者旭答曰慕侯王而塗肝腦孰若保此土完骨肉爲愈乎衆從之共守境內寇來謾辭退之曰汝豈無急於我者寇遂不爲患一方無恙後太祖戰鄱湖遣黨趙捉馬饋羊千頭聞陳友諒死曰真主出可釋甲矣遂散歸農後命使錄旭旭死矣乃以子德宏授指揮使德毅副之守天津衛趙捉馬亦隕於賊手贈進賢縣志

卷十九

武畧

三

江南行樞密院右副都元帥蓋是時官制猶未定耳旭葬赤土同鄉人云夜有見之者金冠寶帶紫袍黑馬云德宏字葵一德毅字葵二

支錦支烏九支積三支積四傅材傅廷佐俱西隅人正德十四年六月宸濠倡逆賊兵壓境知縣劉源清躬率鄉民擊之錦與烏九等統百餘人隨戰奮勇羅溪橋斬賊黨方天祥等及再合烏九積四陷陣亡又斷橋壓死二人令憫其死奏聞存恤

張臬字正野嘉靖進士授刑部主事以事謫靈川縣丞稍遷寧國同知歷閩蜀秦楚藩臬拜右副都御史巡撫四川值五酋稱王自雄長謀陷敘州臬檄所部兵討之賊擁長矛披濕絮列巨

牛爲陣臬令揭竹爲竿悉長二丈造無聲礮五百火箭千束飛擊之無不立斃者賊盡奔木頭寨臬又置樓櫓火箭橫具草舍改奔石城寨世所稱烏鴉飛不到山也山博十餘里四隅壁立烏道亡先登者臬曰此可計而取之也密令謀者誘一首阿黑官至則勞以酒食綵帛鼓吹旗蓋邀遊寨之麓以誘之賊相顧錯愕乃下令盜中能捕首目一人者得弗死有武生劉顯者南昌人能以一當百署爲先鋒獲其土官安得祿盜衆悉降首惡阿焦林匿山後洞穴中十日不得臬時已拜南司寇佯言當縱小醜班師賊果怠擒之入雷都適倭寇張甚或傳將圍通州犯瓜潤雷都大恐臬曰此綴兵法耳禍其在揚州乎已而果然初

進賢縣志

卷十九

武畧

三

劉顯累建奇績臬言之大司馬張鏊檄爲南京水軍守備未幾以副總兵滅倭賊於長江識者推其將將之功焉擢兵部右侍郎提督廣西軍務大盜張璉稱號僭亂流毒三省臬同平江伯陳王謨討平之捷聞進都察院右都御史俄命總督閩廣軍務爲言者所中歸老鍾陵卒祀鄉賢

樊袞字一章嘉靖己亥貢士授福州府訓正德己卯濠變袞諸生也一日僞將王祿率部黨來家族駭愕莫措袞具衣冠迎饒之厚饌誘以重賄隨遍諭族衆曰到此論順逆不論利害謀醉祿而縛之會令劉源清號召義兵固吾圍乃械送祿於邑斬於市自是人知大義邑賴以全劉公爲聞其事禮賚給貞勇額嗟



嗟袞無寸兵無一命能奮義擒賊拒逆守正真古俠士風焉亦  
昌時明伸節義之遺遠矣

陶明通字白夫任四川敘州府別駕值土司奢寅等亂重慶守  
士官俱遇害時變起倉卒自重慶而上城邑望風瓦解奢寅乘  
勢直逼敘州圍成都明通兼府縣篆堅守八十餘日屢挫其兵  
奢寅力絀乃解圍所著有百箴齋文稿西山草珙政新編等書  
國朝

李鎮字聖卿三十四都人由行伍以功歷陞南贛鎮標後營貴  
州大定鎮標右營遊擊懷遠將軍

傅宏祖字繼先十五都人罔卿應期五子廣西副總兵屢立戰  
進賢縣志

卷十九

武畧

三十二

功  
何國雲二十四五都冷口人康熙二十一年以將材隸福建金  
門隨總鎮陳龍願效前鋒身先矢石屢戰克捷取臺灣澎湖海  
島等處地方勦撫有功議敘加左都督銜又加餘功二次簡授  
江南提標左營遊擊歷吳淞叅將肇慶城守副將瓊州鎮總兵  
補授左翼漢軍副都統卒於官

高士

唐

臧嘉猷正隱鄉人性簡重開元中州牧吳兢以幣招之辭不赴  
著無求論以見志又著皇王十翼七卷競名其鄉曰真隱里曰

正吉天寶中採訪使崔栖梧以嘉猷名聞驛召至都堂論政左相李適之尚書張垧奏曰嘉猷學通天人識達治體宜加禮用辭以親老著德政詩以章以獻朝廷嘉之賜束帛送歸上元中廉憲韋元甫奏授太子文學許養疾於家坊其所居之地曰旌賢大厯中節度使尚書路嗣恭奉命討嶺南召爲參謀加朝散大夫不受上羽書三卷卒於家今臧山其遺蹟也

以下俱本省志府志舊縣志

宋

饒竦字伯喬熙寧間兩舉進士不第在汴以詩詆王安石新法云又還垂翅下青霄歸指臨川去路遙數畝荒田俱賣盡要錢

進賢縣志

卷十九

高士

三三

準備納青苗遂不仕隱居介岡

胡尚質仕宋爲檢閱不樂北居遂隨高宗南渡卜居進賢歸仁鄉後裔遷餘干爲文敬公居仁之始祖

按檢閱公郡邑舊志未載考敬齋集增入理學鼻祖不可忘山川之本也

原跋

趙若煥字堯章年三十三值宋祚革賦草之茂三章援琴而歌聽者悲之弟若燧受當路籠索俾同遊者諷之來歸煥每披閱古書得要語過筆之又著中庸講義適情小稿逸民自得合若干卷平居未嘗免冠褰裳性嗜酒亦不醉每微酣令人歌淵明歸去來辭自吹洞簫以和搗書閣池上扁曰曉泉年八十晨起

安坐而逝

吳仲軒度宗時登進士第嘗語江萬里曰國步日蹙吾不復仕矣茲行試吾斧斤之利鈍耳遂歸隱教授於鄉四方從遊者日衆盱江程鉅夫嘗薦引不起作詩謝之

趙汝頊字和仲宋昭承皇太子六世孫雖帝胄而澹然守布衣之操以漕貢仕至永興縣丞真文忠公嘗以固窮之節許之年未六十卽棄官結草堂於縣南蛟坑之帶山屏絕世務怡然自樂年八十一而終號帶山先生

元

黃如徵元儒士也不干進至正乙酉遣使宣撫諸道問民疾苦

進賢縣志

卷十九

高上

三十四

明年秋如徵乃詣闕上書大畧言使者散散王士宏等不體朝廷撫綏元元所至殘削民不堪命上親覽動色授江西儒學提舉遣護出都如徵不拜嗚呼斯人也豈泯泯沉淵者歟慷慨世道民生而復以邱壑自堅意深遠矣

明

按明初三遺老元楊維禎爲浙江儒學提舉國初召修史年七十六歲壽終沈夢麟爲武功知縣入明五司閩浙文衡一考會試壽九十三歲而卒滕克恭爲元翰林學士入明一主河南試年至百餘歲而卒皆不仕宦此見於王元美史料者乃吾邑若包衍熊釗傅箕並皆修書典試則明太祖之培養

氣節至大至寬其未見紀載者尚多也胡若思與衍釗箕俱厚善三公賴其文章以傳於世然若思以元孝廉官至祭酒大學士而獲全贊述三公如此各成其品真相知忠厚也

志

聶

包衍字彥孝希魯孫也學得家授著書立言永樂中與修大典尋以老疾辭賜歸授徒養高從遊者甚衆其文有土苴集

又按陳靜誠諱遇元時未仕至明初禮聘與叅帷幄大計再授翰林學士辭授禮部侍郎尚書左丞又辭竟以處士卒諭祭賻葬太祖成人之美真至德也已

文煥卿舊志載其倫理敘於家行義信於友傳授明於師弟子以及起居飲食凡人事無不底極於理焉先生蓋三代之人學三代之學者惜名位之未足以顯其德也

顏鏞字季文東隅人當革運初邑宰施皓梁璧辟舉之以疾辭因訪之曰吾臨斯民政當何先鏞曰刑以威之孰若省刑以哀之繁者簡之貧者優之強暴者懲之則民可安政可成且以救時之急言之徵收糧儲以一而加六小民疲矣一而加三不差足力運之費乎遂下令五鄉爲劄府判葉希言察獲收課程違劄者八人欲窮治以法鏞曰愚民昧理宜令改正刑之則爲子孫憂葉然之配早卒終身不再偶

鄧祥甫捉牛岡人精天文術數之學隱居不仕時青田劉基爲

高安丞祥甫見而竒之思以學授焉後基來謁祥祥沒子先逝  
惟子婦在祥甫之易簣也語子婦曰善藏我書某年月日高安  
縣丞劉基必來來則汝但焚香於庭令自拜領及時劉使果至  
鄧子婦迎之曰非高安丞劉公平書具在可親來劉駭其異遂  
親往拜而受書書皮左棟之燕巢泥承上束以紅帛開視乃天  
文兵法也其書後獻明太祖遂秘不傳

事載洪武實錄

國朝

顏竣字方平晚號天謫散人少穎異十五能古文詞下筆千言  
立就李太史媿庵見而竒之謂異日必以文名世得其詩歌古  
文輒錄粘堂壁以示諸子明年補諸生錢侯元冲評其文有落

進賢縣志

卷十九

高士

三十六

花無言人淡如菊之語下帷讀書學識日益淹博名亦日噪吳  
中張天如楊維斗主盟復社推爲祭酒前後文宗無不賞譽而  
侯公廣成知尤深往往倒屣把臂投分如布衣交七困塲屋戊  
午幾售而不售本房司李吳公容若大著其卷曰不雕刻而理  
瑩不勾棘而光湛明珠大貝卒不易投如此丁卯以家貧應吏  
部龍君之聘會烈宗登極中外覃恩制誥半出其手著燕都賦  
數萬言鋪揚國制宣序王體所斟酌於風教禮俗者甚至非如  
昔人夸靡導逸勸百而諷一也無錫令陳君石夫延之署中數  
疑獄未決極意爲求生地竟得恤部覆釋免無何束裝南歸數  
十人羅拜道左詢之則向之諸枉獲雪者同行人一能道其

姓名云中丞解公石帆潘公昭度折柬相邀流連數旬朔地方  
利弊長吏能否多取正焉已卯益藩聞其名屬東汝艾千子虛  
左延屈備主客禮設醴七年不怠滄桑之後徙居別業擬以袁  
闕土室終老辛卯奉山林採訪之

命中丞夏公遂以新建徐巨源南昌陳士業及君三人應署縣  
于侯榮公登堂勸駕君堅臥不起其謝絕于侯徵辟書人競傳  
之君孝友純至和易近人然動必以禮博綜古今典故議論精  
核爲遠近所宗屯憲翟公象陸目其文章高視歐王有道似郭  
林宗靖節如陶元亮云

義行

進賢縣志

卷十九

高士

三七

明

萬銳字仕成知府福季子行已簡潔未嘗恃門第一入公室嘗  
嘆曰窮爲良醫達爲良相施有大小濟物之心自一因究心岐  
黃之學鄉有病者施藥輒愈咸以長者目之

馬煥西隅人謹信爲侍郎江公治所重歲戊己歉焚券不責償  
者千餘石施粥掩骼喜振人急又嘗捐貲爲通邑請均則南新  
減協濟均徭等額上官可其說雖究竟未盡行而煥之志遠矣  
巡按陳公大府范公各給匾額旌義壽九十終

江溢字榮之號近齋邑庠生治之從弟生而穎敏年十三補邑  
弟子員中嘉靖甲午鄉試乙榜生平樸謹謙抑毅然正直不隨

世俗波靡鄉有狡者一言諭之卽聞義而服無復血氣之爭邑中遠近咸稱其爲忠厚長者萬厯初歲大饑盡出其積粟以貸居人越明年有負約不償者輒取其券還之雅性守已不妄交遊晚節猶兢兢不少衰子孫爲邑庠者三十餘人

支國弼字蓋卿精勤學問制行古處學道王公宗沐科試冠軍文聲籍籍蠻序間晚舉明經不干仕進學道鄒公學柱贈有龍錫文林之額子煜不愧家學捐貲助置學田令周公光祖刻石於明倫堂右急公好義其風良可嘉云

饒棣字培養北隅人途拾四都糧長舒大成金六十餘兩卽夕送還大成得以完糧深以爲感縣令聞其事旌之且復徭役終

進賢縣志

卷十九

義行

三

其身

陳賁典字星若中丞良訓次子丙子邑值竒荒倡勸捐賑又偕弟資典于東關外設粥廠以濟饑民全活甚衆

樊仲冕字服周爲諸生慷慨好施丁亥大歉道殣相望捐貲賑貸存活無數諸市僧感其義有出貲助施者

舊志

羅國楨以善行稱知縣王斗樞舉鄉飲

舊志

國朝

徐炳三十八都人庠生嘉慶壬戌癸亥連歲荒歉炳捐貲賑濟鄉族多賴全活

萬宗堯十都三馬人嘗拾百金于道候竟日其人始至還之後

家累千金分財貸人未嘗責其償

張賢登六都人隱居不仕造橋修路孳孳爲善鄉里稱爲張善人

文思雄字次英二十二都庠生慷慨好義倡建公祠見貧乏者力爲周濟修鎮東橋獨費千餘金生平善行甚多布政使彭邑令潘俱獎之年八十餘卒

章華武字國士三十八都珠坊人敦行不怠處鄉里公正族鄰有爭忿者以華武一言而息不詣訟庭嘗積穀以備旱澇乾隆癸亥歲祲傾困貸乏食者不責其償人咸德之子七人皆克承

父志

府志

進賢縣志

卷十九

義行

三

薛隆八都人乾隆庚申年獨力創建文昌宮

黃居鉞字志宜八都人性公直喜周貧乏一鄉稱爲長者乾隆十四年知縣向德一以善士請詳列名申明亭年九十五

徐堅十一都人性慈惠好善捐貲創義塾造橋梁孳孳不怠遇荒歲則賑穀貧乏求貸者不責其償刊印訓俗遺規諸書布散四方引人爲善

金邦蘭字遇榮二十二都人賦性淳篤好善樂施會歲大歉倒廩賑之一日邦蘭在庄所其家遣人報曰飢民日多粟將不繼不如暫緩邦蘭大驚曰此時匍匐救之猶恐不及豈可復緩乎家中若不散賑則此地粟亦不發歸併全家餓死矣由是其家



接濟飢民有賴越歲復歉飢民標掠乃于鄉市傳帖相戒曰金  
遇翁家素行好善我輩毋得相犯由是竟免害又嘗有盜竊其  
物既知爲邦蘭物也因夜擲還園中呼而告之其素行感人如  
此年七十餘一日集子孫于中堂端坐而逝

樊實鏞字西烈二十八都人居鄉以謹厚聞好施與康熙間累  
遭大浸稻蟹不遺實鏞傾困以給存活無算鄉里德之

樊本伸字子居二十八都人乾隆甲申歲苦潦本伸計口給粟  
以周貧乏且出夙所質衣物盡還之生平恂謹小心鄉里愛而  
敬之故終身未嘗與人忤

章依仁字則先三十七都人幼穎悟好學娶妻安氏半載而安  
氏歿依仁立兄子爲嗣不再娶爲人沖淡而好義以隱逸終鄉  
里敬之

熊步青字功成三都金山村人乾隆戊子於臨邑蕭家洲獨建  
石橋一座費金數千值歲飢發粟賑濟全活甚衆

吳以德字栻芳號素齋在城中洲人早失怙事母先意承志能  
得其歡心乾隆四十六年北門外楊墩橋圯行者病焉乃捐貲  
獨建不下千金其生平慕義類如此

胡定山十六都人饒於財重信義妻樂氏于歸數年歿終身不  
再娶

馮世裕字仰山三十八都人慷慨有大志邑舊有夫役之累世

裕與兄世祿力爲請于官而去之合邑稱便性好施與有告以緩急者無不得其意以去病革時令其子檢篋中借券名其人至悉面焚之

萬珍字顯玉十五都前房人慷慨急公好行善事嘉慶間修學宮兩廡暨文昌宮費金二千有奇所修橋梁十餘處凡利人之事孳孳惟恐不及

雷維垣二十四五都人好義樂施族鄰待以舉火者甚衆乾隆四十八年五十三年涪潦爲災維垣計口授食人咸德之

雷鳴豫維垣子喜周貧乏克紹父志捐建學宮泮池暨演武廳修山下橋五眼橋共費金一千七百有奇倡建本都龍松書院

進賢縣志

卷十九

義行

聖

本圖貧民積欠俱貸爲完納焉

饒鳳翔字瑞徵七歲而孤門衰祚薄行傭供母數日必歸省膝下依依雖夜宿不歸子舍母歿哭泣過情鄰里爲之流涕後家稍豫教子嚴尤敬禮其師又嘗暑月自省歸有行者趨趨不進詢之則肄業友教書院者也遂以所乘車送之歸而自冒暑徒行年五十五卒

以上舊志

鄔經邦字粹然號佐廷二十三都橫溪人少嫻武畧領鄉薦爲省提塘推任京提塘當兵部差克勤厥職授衛守府然豪俠好義家富有不甘碌碌爲守財虜者遇有善舉卽解囊相助邑中初無考費捐緡三千串每年生息爲應試卷資其作養人才之

意良多實崇儒重道富而好禮者也國有兵變更拮据措辦捐金五千兩有奇以濟軍餉毫無吝嗇其平居之慷慨如此督撫以好善樂施題奏旌表建坊

以下採訪

陳正須號稼田三十五都艾溪人幼失怙事母供職力田頗能養志道光庚寅邑侯吾公德涵舉赴鄉飲之席獎以碩德耆英匾額生平好義孳孳不倦年八十有六病方篤猶以宗祠久毀基址無存未能修建爲憾囑子若孫請族中長老捐額田百十餘畝管理收租爲建祠費祠成除祭祀外所餘租石留起義學以贍族中貧不能教者弟正穎感兄之義亦捐地十餘丈爲祠堂基址子于江力任勞怨維持經費創制祠宇俱臻完善今里進賢縣志

卷十九

義行

聖

黨咸稱其克承父志云

饒華義字煥堂邑水西門外附郭人也生平急公好義有俠士風咸豐六年粵逆踞撫郡知縣史請兵防堵乏餉義出錢千緡以助例應請獎固辭不受七年七月陷進城下令有不歸降者卽焚其巢義守義不辱任室宇蕩然絕無顧惜之心生子四中武科食廩饒平居勉之以義務竭力以報國年六十四卒

吳奎字南極十八都棗木橋人國學生性公直輕財好施嘉慶七年歲大荒出積粟以貸貧乏不給復採買千餘石周之不責其償一鄉賴以全活近地鄧墩吳趙二姓爭碣下田之水兩相鬥毆從中出錢三十緡買其田爲公塘事遂寢至今其田爲兩

姓蔭塘鄉村稱爲吳善人道光二十一年邑令張廷杰修圩至其家勸捐出貲察知實行獎予天心與善匾額

龔夢蘭號樸齋三十七都人性質樸厚重篤于孝友足不履公庭與物無忤且樂善好施咸豐丁巳粵逆寇汝水陷縣城勢將撲省傾囊招募丁壯會集鄉團命子弟身先倡率勦禦賊遁去地方得以保全是時年已八十矣

附輸粟義士

朱文貫 黃子重 吳安邦 車季實 傅夢殷

陶壁 黃士英 雷季章 洪炯 車拳

李昇 傅同生 傅民悅 傅延言 車秉倫

進賢縣志

卷十九

義行

四三

黃子徵 王政 熊日章 陳汝煜 何彥振

車敬宏 胡愛三 文世權 黃茂澄 樊仕循

張彥達 張孔節 車秉義 李立中 萬敏瞻

朱潤初 黃仕基 黃伯宗 宋敏迪 舒式儒

陳世望 陳子靜 李大隆 胡仲祺 陶彥照

吳宗讓 羅博儒 薛應時 湯仲銘 李宏宗

余洪曠 王時濟 洪圮 傅敏成 胡經生

胡碧生 胡佛生 胡孟瑞 李侃 鄔仲倫

徐孟信 楊子寬 雷華 車武用 羅本明

曹英 傅名振 饒孟賢 徐子洪 羅玉

李行中 黃仕燦 黃仲淵 黃伯雨 傅九州

吳魁 徐九萬 萬武伯 江啟明 張孔宜

胡啟茂 樊彥煥 黃伯楚 傅大川 陳邦烈

傅應高 曹舜琦 吳宗學 傅本川 張孔英

張孔陞 舒訓 朱孔式 張朝用 張朝元

黃仲容 黃仲申 黃仲舄 陶士鈞 涂樂壽

吳好學 吳貫 趙洙 吳璞 向至道

徐子江 胡灝 何經望 趙尙慶 張宣

李槐 蘇民 焦侃 趙浚 傅應川

涂玠 涂與輔 吳應 焦泰 何相甫

焦猷 宋照 熊任廣 熊任道 焦應周

焦顯 焦世振 蔣仕機 方博 傅邦政

胡肅容 饒舜卿 胡璠 余堂 楊嶽

楊畷 江正宏 支一梧 何允端 朱鳴初

雷繼章 黃承樂 以上聶志

以上俱明初輸粟助公自二千至數百數十石有差奏聞或勅旌或授義官榮身焉 聶志

國朝咸豐年間捐助軍餉

萬凌雲 一都人 捐銀叁千餘兩

翁有暉 都監生 捐銀貳千兩

進賢縣志

卷十九

義行

四

陶光祖九都人捐銀貳千兩

夏定珍十六都捐銀壹千兩

饒拱堂附郭人捐銀壹千兩

吳步賢城內監捐銀壹千兩

附五世同堂

禹繡字西仁十都監生例授武德騎尉嘉慶己卯年五世同堂

恩賜遐齡縣陔匾額賞給銀緞

齊大引舉人五世同堂 傅惟址六都人五世同堂

胡敦華六都人五世同堂

徐述秀三十三都章岡村人眼觀五代壽八十八終

進賢縣志

卷十九

五世同堂

四

胡榮廷二十二都鹿塘村進士年八十三歲五世同堂

呂以鳳職員年八十四歲咸豐九年恩賜黃耆繁衍匾額並給

緞五世同堂

傅善炳三十三都柳壩村年八十九歲五世同堂

萬文黻十都小田村邑庠生繡之子年八十七歲五世同堂

吳士揆年八十歲五世同堂

張世欽五都麻山村人年九十八歲

寓賢

唐

魏徵士南昌長定鄉人軼其名讀書邑歸仁鄉之堯城山蛙聲

甚沸徵士以硯投之至今水黑絕無蛙聲後人配梅福城嘉猷  
祀之三賢堂 以下俱舊志

續職方乘云南昌魏相公廟在縣東謝準傍有古塚紹興間  
有獲斷碑於墓傍刻曰鄭公五世孫暮後人又建暮廟今於  
南昌魏士貴家得宋慶元戊午迪功郎監州鹽稅涂禹所撰  
徵士碑陰記以徵士爲鄭公五世孫暮唐文宗時爲起居室  
人宣宗以爲相封鄧國公令狐綯譖之出爲西川節度使遂  
棄官隱南昌之長定鄉立祠祀鄭公因讀書於歸仁鄉之堯  
城山綯敗懿宗三召不起故人稱徵士云 舊志

按唐書暮本傳大中十年以平章領劍南西川節度使上疾

進賢縣志

卷十九

寓賢

四六

求代召拜吏部尚書用久疾檢校尚書右僕射太子少保卒  
贈司徒亦無三召不起之稱固非暮明矣而趙時福魏亭記  
亦稱不必以失其名爲恨故附錄以祛舊志之疑 舊志

戴叔倫字幼公潤州人七歲能詩師事蕭穎士爲門人冠舉唐  
德宗貞元進士劉晏管鹽鐵表土運湖南至雲安值楊惠琳反  
馳客劫之公曰身可殺官物不可得遂舍之後曹王臯表授撫  
州刺史值歲荒早作冷泉陂 卽今干金陂 立均水法民便之耕輸歲

廣獄無繫囚頃之乃真授暮年政成上賜璽書褒之封譙縣男  
加金紫服百姓爲立遺愛碑陞容管經畧使德宗中和節賦詩  
上之遣使代還未赴關卒於道年五十八

舊志稱叔倫賜金紫封譙男在容管得代後且云退隱饒州之東湖三十年刺史馬載重其詩爲築室堤上卽今薦福寺也復隱小天台山鄉人賢之號其山曰棲賢志其溪曰潤陂不忘潤州也今考唐書則封賜乃撫州政成時也唐書主運湖南志止稱雲安被劫倫云身可殺財不可得遂疑若重財輕身者及稽唐書則主運鹽鐵實繫官物誼當殉職以身哉志稱容管還後退隱而唐書則稱代還之後道卒不及徜徉山水矣乃饒州志所稱東湖者畧同余嘗登小天台山游訪戴叔倫讀書晏遊處土人皆能名之則叔倫實寓鶴嶺芝山間也倫越溪邨居詩有年來爲客寄禪扉之句客舍愁懷有

有山猶未得之句勸陸三詩有擾擾鍾陵市無錢不醉人之句容州回詩有西南積水遠老病喜生歸之句宿石頭驛詩有愁顏與衰髮之句贈商亮詩則曰日月湖邊見水流傷春未已又悲秋山中舊宅無人住來往風塵共白頭合而論之前三首蓋未表授撫州日卜居此地後三首則容州徵後畱滯此地也唐詩爵里稱倫在曹王湖南幕府臯討希烈畱倫守撫州蓋幕府事間故叔倫得遂尋雲之興也浮沉仕籍間叔倫豈苟容者哉

聶志

宋

龔順福建光澤人兄穎世居牛坪順登淳化壬辰何遜榜進士



憲鎮南節度判官轉任龍興路大中祥符乞歸道經今所居處  
三十七都燕窩塘居民愛慕爭讓田宅請稅止順不許頌之風  
雨大作連數日順嘆曰天意耶乃臨溪擲戟爲驗曰吾子孫當  
與於此則戟立中流擲之戟果屹立不仆遂欣然築室焉名溪  
曰戟溪

葉祖洽邵武人登宋熙寧三年進士第一因忤安石出知濠州  
轉守南安時金亂扈駕播遷卒葬臨川顏水之西麓子若孫從  
進賢家焉裔孫天麒登宋景定進士初爲臨汝書院堂賓棄官  
隱居泉嶺

焦寬登紹興四年陳亮榜進士山西太原人歷參知出守江西  
進賢縣志

卷十九

寓賢

吳

沒於官後人徙進之橙柴林居焉後咸淳四年進士焦麗其四  
世孫也麗避元亂復遷鐵爐坑西岸瞰軍湖競渡之灣

楊世傑字世暉仕宋任南豐知縣避元亂卜居鍾陵卿峻副使  
二和其後裔云 按卿峻乃副使楊二和之父名

元

伍良臣元濟陽王甥臨川郡經歷也富甲海內至正間避於邑  
之崇信鄉雖屬懿親恬然如布衣致力經籍從事翰簡及夫世  
異事殊進退出處之宜皆中義理其見於詩者題曰中流一壺  
又所編通鑑纂要補論聞見錄皆有裨世教

薩天錫同同氏嘗爲進賢監縣因寓居邑之錦繡坊詩云城南

一曲小池塘此地名爲錦繡坊楊柳尚存今日色荷花不復舊  
時香畫舫歌舞人千載明月樓臺夢一場惟有斗門橋下水至  
今流不盡斜陽

國朝

入大山人明宗室爲諸生遭變棄家遁進賢山中薙髮爲僧遂  
發狂疾忽笑忽哭一夕裂其浮屠服焚之走還會城山人工書  
法能自成家喜畫水墨芭蕉怪石花竹及蘆雁汀鳧翛然無畫  
家町畦人爭藏弄以爲重喜酒不能盡二升然喜飲貧士或市  
人屠沽邀山人飲輒往往飲輒醉醉後墨瀋淋漓不甚愛惜其  
題畫及他題跋皆古雅間雜以幽澁語不盡可解山人面微赭

進賢縣志

卷十九

寓賢

單九

豐下而少髭初爲僧號雪箇後更號入大山人云

府志

附存疑

萬仲芳金陵人歷龍興路撫州太守避金亂淳熙甲辰掛冠壇  
石山之陽故吏部尚書顏玉亦世亂埋名自號無逸子高仲芳  
之志以女贅焉生一薦一鶚俱進士

舊志

按舊志萬仲芳顏玉俱無考而仲芳以淳熙甲辰居進及一  
鶚登第之年纔二十八春秋也凡名公流寓邑志並詳本末  
豈仲芳兩子舉進士而姓字泯無紀載乎且吏部尚書官名  
宋時未專立心惑之第說者曰萬贅顏生子爲居進之始祖  
則仲芳原委或有金陵家乘在未便泯人水木矣附存之

輯志

胡巖字邦仁高安人宋進士任隆興路刺史鄰寇竊發往討平之過鍾陵道海里愛其山水秀麗致仕後卜籍居焉乃宋高宗朝大學士開國公魯孫也沙縣丞起龍湖州太守邦鎮總督江湖浙三省餉院琦皆其後裔云

舊志

于邦基河南開封府彭城人登宋元祐四年進士靖康之際高宗卽位南京承命爲隆興路之潤安鎮監丞樂其風土潛樸山水清幽遂築室而家焉明天順甲申進士于大節卽其十世孫也大節隨父徙居河間之任邱今進賢于氏皆邦基之後裔云

方伎

元

進賢縣志

卷十九

寓賢

辛

傅椿年字莊叟有法術能驅雷盪妖故老相傳其事甚異元至元丙子以安集功授奉新尉不赴

以下舊志

明

傅隆鳳嶺人精繪畫嘉靖時遊京都適有旨命合京畫工圖江南一枝春衆皆以桃李花卉應隆獨畫一美人稱旨授以散官給冠帶

曾大齡者儒士能書正統時以薦舉徵爲中書舍人

傅先天字覺民萬曆時人善星官解甘石部分以星名傳所著有陰騭則

熊應旂者北山人貧遊求館至橫梅瞿慕川一見竒之留以緡

緝古文已遊杭州李我存家因受利西太天學今西學凡所載書多出應旂筆繹也應旂目短視不能測星而言法象度數甚詳爲人篤實不苟

雷時震字普春以醫名選爲大醫院吏目陞御醫光祿寺丞厥子應運世其官震尤善外科爲人縝密謙慎

饒士守字述泉三十八都人精於醫術大有聲於南豐者四十年六十後歸里遠近賴以全活者無算爲人孝友勤慎鄉間稱之年八十八卒

車國瑞字玉衡以醫術選入太醫院吏目

李應龍字熙寰太醫院吏目以醫術馳名舒廬之間爲人洒脫  
進賢縣志

卷十九

方伎

五十一

肝膽真切

支喬望字蘭嶠以醫術著名署縣武丞舉鄉飲稱爲潛德古處章益振字九河以醫術馳聲皖桐間卿大夫士悉敬禮之

巨然者畫苑所稱爲荆關董巨四大家也宣和畫史曰巨然鍾陵人工畫山水深得佳趣知名於時每下筆如文人學士得題賦詠詞源滾滾出於毫端比物連類激昂頓挫無所不有蓋其胸中甚富則落紙無窮也巨然山水於峰巔崖竇之外下至林麓猶作卵石松柏疎筠蔓草之類相與映發而幽谿細路屈曲縈帶竹籬茅舍斷橋危棧眞若山間景趣也人或謂其氣質柔弱不然昔嘗有論山水者曰倘能於曲處使可居平處使可行

天造地設處使可驚嶄絕崦險處使可畏真善畫也巨然雖瑣屑意頗類此而曰柔弱者恐以是評之妄耳至謂作雨脚如有爽氣襲人信哉昔人有畫水掛之壁間猶曰波濤洶泱見之毛髮爲立况烟雲變化乎不躡前跡一出於已畫錄稱之不過矣今御府所藏一百二十有六

支喬楚字寰冲醫名甚著天啟年授大醫吏目

以上舊志

周際可三十三都人善星象著有星圖步天歌章世純曾師事之

國朝

熊元會字運隆以醫名邑令聶贈以回春妙手

舊志

進賢縣志

卷十九

方伎

五

李希彩一都人善風鑑凡相人富貴貧賤後俱應驗嘗言人有陰騭文現則壽增一紀富貴隨之其存心勸善如此每遊仕宦家或假扮人試之無不立辨新建裘文達公尤敬禮之

朱演字遇聲五都人邑增廣生敏悟博學尤精醫理診治疾病每奏奇效不計謝儀人爭迎之不暇家食一日自外歸風狂舟覆溺水死遠近悼嘆因於其水岸立壇祀之

舒詔字馳遠由監生考授州判註有傷寒集與六經定法行世

篤行補遺

胡懋焯字又瞻號空谷一都人由歲貢授德安訓導旋遷定南廳學幼精詞藝試輒冠軍白中丞謀士取冠周力堂帥念祖之

上送鹿洞肄業恩禮有加其見重當代名流如此性孝友繼伯  
母爲嗣奉若親生與胞兄同居老而彌敬邑侯向公建勸善碑  
首勒焯名獎以純孝無忝匾額

義行補遺

徐開字應魁知州銜二十三都人富有好義道路橋梁捐貲修  
理歲饑周濟不吝鄰有俯畜爲難者則輸之粟以保全其結  
髮鄉里德之稟請申詳會題建好善樂施坊

李志傑號偉人大學生六都人以節儉起家好善樂施道光丙  
申己酉旱潦出積穀以食族人全活甚眾父歿水漿不入口  
者三日枕塊於柩側月餘而葬猶哀痛弗衰生平稱貸於人  
薄其息年久焚其券鄉隣嘖嘖稱孝義不置而他襄善舉助  
軍需則指不勝屈云

